



Finaisen yan Ineppe Siha

Uttimo na Areklamento - CNMI Transisionat na Fafacho'cho' Klasifikasion

Inintrodusi

U.S. Citizenship and Immigration Services (USCIS) ha nafanhuyong un uttimo na areklamento ni' umestablesi un "Transisionat na Ti Immigrante na Fafacho'cho' na Visa Klasifikasion para i fafacho'cho' sanhiyong siha giya i CNMI (CNMI) La'la'la' i CW visa na klasifikasion mientras na mana'hahalom i sistema pinemiti asta Lai Immigration i U.S. Gi duranten este na siklon transision i ma'amun i ti manimmigrante na fafacho'cho' ni' ti mankualifikao para otro na ti migrante na klasifikasion visa siha put emplehu siha siña manaplika ti petmanente na petmision para u empleha fafacho'cho' siha giya i CNMI gi pappá i klasifikasion CW Este na siklon transision ha tutuhon gi fotmat gi Nov. 28, 2009, ya para u fakpo' gi Dec. 31, 2014.

Infotmasion Inestoria

The Consolidated Natural Resources Act of 2008 (CNRA) Public Law 110-229 mafitma komo lai gi May 8, 2008. Title VII gi este na lai ha amena P.L. 95-241, i Act approving the Covenant to Establish a Commonwealth of the Northern Mariana Islands in Political Union with the United States. . Title VII ha ekstende meggai na patte ginnen i Immigration and Nationality Act (INA) gi halom i CNMI para i finenina na biáhi.

Finaisen yan Ineppe Siha

Henerat na Finaisen Siha

Q1. Hafa i chinegue-ña este na CNMI ha' na Transisionat na Fafacho'cho' na Visa (CW)?

A1. I CW visa ha pribeni ligat na ti petmanente na U.S. estao immigration i mankualifikao na fafacho'cho' sanhiyong siha ni':

- Cho'guiyi un amu ni' setbisio pat hotnat gi i CNMI yan
- Ti kualifikao para maseha hafa otro na klasin ti migrante na visa put emplehu gi pappá i INA.

Transisionat na fafacho'cho' siha debi di u fañodda' un otro na aplikao na estao immigration antes di makpo' i siklo transision an manmalago' u fañaga' gi i CNMI I areklamento ha nâ'i i manamu ni' tiempo kosaki siña ma tulaika i kustumbren manenggansa ya para i mangkualifikao na fafacho'cho' sanhiyong siña mañule' guaguaha na ti migrante pat migrante na visa na klasifikasion gi pappá i INA.

Q2. Taimanu na maninafakta i fafacho'cho' sanhiyong siha ni' mañasâga' yan manmacho'cho'cho' giya i CNMI?

A2. I areklamento ha sedi i manamu siha giya i CNMI para u fansponsor ti migrante na fafacho'cho' siha ni' sino ti mangkualifikao para u fanmacho'cho' gi pappá i INA yan ha nâ'i fafacho'cho' sanhiyong siha esta ki Dec. 31, 2014 para u fandetmina un propiu na laapmam na tiempo na immigration na estao para Siha yan i familian-ñiha. Mas ki 22,000 na fafacho'cho' sanhiyong siha giya i CNMI esta siña mankualifikao para ti petmanente CW visa na estao.

Q3. Kao todú i fafacho'cho' sanhiyong siha mangkualifikao para CW visa na klasifikasion?

A3. Ahe' Fafacho'cho' sanhiyong ni' mangkualifikao para otro na ti immigrante na visa na klasifikasion put emplehu ti mangkualifikao gi este ne prugrama. Gi otro, un estrángheru nasionát ni' esta gaige giya i CNMI, debi di gaige gi i CNMI gi ligát, taiguihi na madiskuti gi Finaisen 6.

Q4. Hafa fuetsao para un individuát kosaki siña makualifika para un CNMI-ha' na Transisionát na Fafacho'cho' na visa?

A4. Para un individuát siña kumualifikao para CW visa na estao, i amu yan i nasionát sanhiyong debi di u ha satisfecho hafa fuetsao.

Hafa Fuetsao para Manámu Siha

Kosaki un ámu siña mama-petition para un emplehao ni' CW visa na estao, i amu debi di ha:

- Cho'cho'gue un lihitimu na bisnes taiguihi madiskuti gi i uttimo na areklamento ;
- **Konsidera todú pusipble U.S. na fafacho'cho' para i che'cho';**
- **Ofresi kondision para empleuh ni' umaya yan i bidadá-ña i bisnes i amu giya i CNMI;**
- Naháalom i nisisario na dokumento siha para manenggansa transisionát fafacho'cho';
- **Kumple todú ni' fuetsao ginnen i Federát yan CNMI put emplehu, kontodu lao siña mas ki ti diskriminasion, sinafu che'cho' yan hafa fuetsao put i mas takpappa' na pusipble na suetdo siha; yan**
- **Apási i gasto i binira tátte para i fafacho'cho' asta i uttimo na lugát gi hiyong i CNMI, yanggen matetmina ti bulontariamente ginnen i che'cho' para maseha hafa na ráson antes di i makpo' i tiempón na maátorisa na hinalom.**

Hafa Fuetsao para Fafacho'cho' Siha

Un individuát siña kumualifikao para CW-1 ti immigrante na klasifikasion yanggen Guiya:

- Ti kualifikao para maseha otro na ti immigrante na estao put emplehu gi pappa; Lai Immigrasion U.S.
- Para u hálom pat sága' giya i CNMI ya facho'cho' gi i katigurát cho'cho' ni' masenñala na hi nasisita fafacho'cho' sanhiyong para u ayuda i esta guaguaha na manmacho'cho'cho';
- Beneficiary gui' ginnen un petition ni' un lihitimu na ámu ni' gaibisnes giya i CNMI ha naháalom;
- Taigue gi i U.S. fuera di iya CNMI;
- Ligát i gaige-ña giya i CNMI, komo gaige gui' giya i CNMI; yan
- Sino humáalom giya i Estádos Unidos pat esta manái ni' un nisisario na "waiver" para un "ground of inadmissibility."

Q5. Hafa kualifikao komo 'lihitimu na bisnes' gi pappa' este na areklamento?

A5. I uttimo na areklamento ilek-ña na un **lihitimu na bisnes un 'magáhet, áktibu, yan macho'cho'cho' kometsiante pat 'entrepreneurial' na aktibidát ni' fuma'titinas setbisio pat benta para probechu, pat un gubietnamento, karitátibu pat un otro na propiu na marekognisa na ti para probechu na otgánasion. I bisnes debi di ha satisfecho hafa fuetsao ligát na para bumisbisnes giya i CNMI. Ti makonsidera komo lihitimu i bisnes ni' chumo'cho'gue, 'directly' pat 'indirectly,' putasion, i kinenne'guan i ti manggaiidat, pat maseha hafa otro na aktibidát ni' ti ligát gi pappa' i law Federát pat CNMI.**

Q6. Hafa kumekeilekña 'ligát gaige-ña giya i CNMI' para i kualifikao para i CW ti immigrante na klasifikasion?

A6. Yanggen malago' hao kumualifikao para i rinisibin este na estao giya i CNMI, debi di un gaige ligát giya i CNMI. Este kumekeilek-ña na i taotao debi di maseha (1) annai manaplika gui' para i nuebu na estao ti esta maloffan i maátorisa na tiempo gi i "umbrella permit" pat un otro na inátorisa (ni' para u funháyan antes di Nov. 27, 2011); pat (2) gaige gi un siklon ligát nina'hinalom pat "parole" gi halom i

CNMI ninai ni' i Department of Homeland Security (DHS), fuera di nina'hålom pat "parole" komo biaheru pat bisita kometsiante.

Q7. Hafa i kodan nina'hålom para este na klasifikasion visa?

A7. I ti immigrante visa klasifikasion na kodan nina'hålom CW-1 para i prinsipát CNMI-ha' Transisionát Fafacho'cho' Siha yan CW-2 para i mandipendenten-ñiha siha.

Q8. Kao siña i klasifikasion CW visa u maekstende despues di Dec. 31, 2014?

A8. Hunggan. I CW visa na klasifikasion, gi pãgo'go', para u funhåyan gi i finakpo' i siklon transision gi Dec. 31, 2014. Lao, i U.S. Department of Labor guaha aturidåt-ña para u ekstende i tiempón "validity" para i CNMI Transisionát Fafacho'cho' visa na katigurát siha despues di Dec. 31, 2014. I Secretary gi Labor siña ha ekstende i prugraman transisionát fafacho'cho' yanggen ma detetmina na i pãgo'go' yan mamaila na nisisidåt put hotnåt ma nanisisisario un inekstende kosaki siña guaha nahong na emplehu giya i CNMI.

Q9. Kuantos na sinangan publiko ni' i DHS ha risibi gi i Interim Final Rule?

A9. Gi duranten i fine'nina yan i maekstende na tiempón sinangan publiko, DHS ha risibi 146 sinangan ginnen meggai diferentes na klasin taotao yan inetnon, kontodu i ofisinin i Magalåhin i CNMI, i Chamber of Commerce Saipan, un eståba na Senadot CNMI, yan otro na gaininteres na otgånasion yan individuåt. I DHS ha konsidera todú i sinangan publiko ni' marisibi annai ha pripara este na uttimo na areklamento. Siña masodda' infotmasion gi i Federal Register na uttimo na areklamento.

Finaisen para Manåmu Siha

Q10. Ngai'an na siña i åmu siha ma tutuhun mama'petition para fafacho'cho' siha?

A10. Manåmu siha siña ma tutuhun mama'petition siha gi Oct. 7, 2011. Un åmu ti siña manaplika fafacho'cho' mas ki sais meses antes di ha nisisita i setbisio-ña. Put hemplo, yanggen un åmu mannisita gui' fafacho'cho' gi July 1, siña ha entrega i petition para i fafacho'cho' despues di Jan. 1 gi ayu na sãkkan.

Q11. Anggen i fafacho'cho' esta macho'cho'cho' gui' giya i CNMI gi pappã un "umbrella permit" pat un otro na CNMI inatorisa ni' para u funhåyan gi Nov. 27, 2011, ngai'an na un åmu para u nahålom i petition para ayu na fafacho'cho' u risibi CW na estao?

A11. I amu debi di ha nahålom i petition para i fafacho'cho' gi Nov. 27, 2011 pat antes. I empleao debi di gaige ligåt giya i CNMI annai mana'hålom i petition osino ti siña kualifikao gui' rumisibi CW na estao. I manempleao siha ni' i inatorisan-ñiha cho'cho' gi pappã CNRA ni' para u maexpire gi Nov. 27, 2011, yan tåya' CW na petition-ñiha manmana'hålom guihi na fecha, esta makonsidera na ti manggaige ligåt siha giya i CNMI. Un petition ni' para u sponsor este na fafacho'cho' siha komo CW-1 ti immigrante debi di u mapostmarked antes di Nov. 28, 2011 (put hemplo, gi i finakpo' i fine'nina na ha'anin bisnes despues di Damenggo, Nov. 27, 2011, gi i oran CNMI).

I manfafacho'cho' ni' esta ti ligåt na manggagaige siha giya i CNMI, debi di u fandingu i CNMI antes di i manåmun-ñiha siña ma nahålom i petition. Ti siña manhålom ta'lo siha giya i CNMI yan tutuhun i che'cho'-ñiha esta ki manã'i i petition yan manmanrisibi CW na visa gi un U.S. na Consulate gi un otro na nasion.

Q12. Kao siña ha konsigi manenggansa fafacho'cho' un åmu gi pappã un "umbrella permit" pat un otro na inatorisan cho'cho' gi i CNMI despues di Nov. 27, 2011, kontat ki na sigi ha' makonsededera i petition CW na estao?

A12. Hunggan. I ligåt na gaige-ña i fafacho'cho' dipende gi i fechan nai mana'hålom i petition, pues yanggen i amu ha nahålom i petition antes di Nov. 27, 2011, i fafacho'cho' para u konsigi kumualifikao manrisibi estao CW. USCIS para u konsedera un petition ni' mapostmarked Nov. 28, 2011, komo

mana'hålom gi Nov. 27, 2011 (madiskuti este komo ineppe para Finaisen 11). Yanggen un âmu manaplika estao CW para un fafacho'cho' ni' esta ha enggagansa giya i CNMI gi pappâ un "umbrella permit" pat un otro na inatorisan cho'cho' ni' para u maexpire gi Nov. 27, 2011, i amu siña ha konsigi umenggansa ligât i fafacho'cho' esta ki guaha diniside put i inaplika. Yanggen maaksepta i petition, i fafacho'cho' para u risibi CW na estao ya siña makontenuha macho'cho'cho'. Yanggen mañega I petition, i inatorisa put cho'cho' madiroga insigidas guihi na tiempo.

Q13. Hafa un âmu debi di ha cho'gue para u fama'petition para un fafacho'cho' sanhiyong?

A13. Antes di un âmu siña mama'petition para un fafacho'cho' sanhiyong, i amu debi di ha **konsedera i esta guaguaha na US na fafacho'cho' siha para i pussion ni' para u maokupâda ni' i fafacho'cho' CW.**

Para un mama'petition para un fafacho'cho' sanhiyong, un âmu debi di ha:

- **Na'hålom un Form I-129CW, Petition for a CNMI-Only Nonimmigrant Transitional Worker;**
- **Ofresi kondision para emplehu ni' umaya yan che'cho', aktibidât yan bisnes giya i CNMI;**
- **Na'hålom ebidensia ni' klumârui na i infotmasion un na'nâ'i put i amu, i che'cho' yan i siña fafacho'cho' dinanche yan ha satisfecho i nisisidât para kualifikao; yan**
- **Entrega i propiu na âpas 'filing'**

Q14. Kao un âmu mannisita muna'hålom un siparao na Form I-129CW para kada na transionât fafacho'cho'?

A14. Ahe'. Un âmu siña ha na'hålom unu na petition para noskuantos na fafacho'cho' siha, kontat ki todudu i fafacho'cho' siha:

- Para u fanmacho'cho'cho' gi i parehu na katigurât cho'cho';
- Para u fanmaenggagansa para i parehu na tiempo;
- Para u fanmacho'cho'cho' gi i parehu na lugât; yan
- Todu manggagagao i parehu na aksion gi Patte 2 gi i petition (Matulaika i estao, Inekstende i Estao, yan otro taiguini).

Q15. Hafa i apas 'filing' ni' nisisario yan i Form I-129CW?

A15. Yanggen âmu hao giya i CNMI yan malago' hao mansponsor un kualifikao na individuât komo CNMI-ha' na Trasionât na Fafacho'cho', put fabot atan i nisisario na âpas 'filing' guini pappâ.

Yanggen Hagu	Dedi di un	Yan
Yanggen mama'petition hao para unu pat mas na fafacho'cho' siha ni' gaige gi ligât giya i CNMI yan esta estao federât ti immigrante (put hemplo, F-1 pat H 1B)...	entrega un Form I-129CW yan i \$325 na âpas aplikasion..	entrega un nisisario na CNMI edukasion na fondo na âpas, \$150 para kada na beneficiary. Mungga manentrega 'biometrics' na âpas.
Kao mama'petition hao para unu pat mas na fafacho'cho' siha ni' esta manggaige gi ligât giya i CNMI yan gaiCNMI pinetmiti pat manmanâ'i ni' "parole" ginnen i USCIS pat CBP (fuera di komo bisita para bisnes pat minagof ginnen Rusia pat China)...	entrega un Form I-129CW yan i \$325 na âpas aplikasion..	entrega un nisisario na CNMI edukasion na fondo na âpas, \$150 para kada na beneficiary. Maseha Hagu pat i fafacho'cho' debi di un entrega lokkue un \$85 na 'biometrics' na âpas yanggen manggagagao hamyo 'Grant of Status' giya i CNMI.*

<p>Kao mama'petition hao para unu pat mas na fafacho'cho' siha ni' manggagagao "consular processing" ginnen un otro nasion...</p>	<p>entrega un Form I-129CW yan i \$325 na âpas aplikasion..</p>	<p>entrega un nisisario na CNMI edukasion na fondo na âpas, \$150 para kada na beneficiary. Mungga manentrega "biometrics" na âpas. Un âpas "biometrics" siña fuetsao ni' i Department of State annai manaplika gui' para iyo-ña visa gi un otro na nasion.</p>
<p>Kao manggagagao inekstende estao para un CW ti immigrante na fafacho'cho'...</p>	<p>entrega un Form I-129CW yan i \$325 na âpas aplikasion..</p>	<p>Entrega un nisisario na CNMI edukasion na fondo na âpas, \$150 para kada na beneficiary .</p>

***Hassuyi na i mamfacho'cho' siha ni' mamplaneneha na ti apmam para u fanhanao para otro na nasion, siña ma rikuesta i "consular processing" para iyo-ña visa gi otro na nasion. Un ginagao put "consular processing", achokka maapreba ti para u nâi i para u beneficiary ni' estao. Lao, siempre para u maprocess mas chaddek sa' ha na'ti guailayi i rinikohin infotmasion "biometric" pat fingerprinting i para u beneficiary. Otro lokkue', para un ginagao para "consular processing" ti fuetsao un \$85 na âpas para i USCIS. Mamfacho'cho' ni' manhanao para otro na nasion, debi di u fanggaivisa ni' la'la'la' an manmalago' bumira tâtte para i CNMI, achokka' manmanâi estao giya i CNMI.**

Q16. Kao siña mawaive i apas filing?

A16. I Form I-129CW yan i apas "biometric" siña manmawaive gi un hassan situasion nai i amu ha fâ'nui na achokka' ti siña ha apâsi i apas filing, sisiña ha' ha apâsi i suetdon i empleao. An malago' hao manrikuesta âpas na "waiver" debi di un entrega un Form I-912, Request for Individual Fee Waive, pat un matuge' na ginagao para un âpas na "waiver." **I \$150 na CNMI edukasion na fondo na âpas ti siña mawaive.**

Para mas giniha put taimanu manaplika âpas na "waiver" bisita [este: www.uscis.gov/feewaiver](http://www.uscis.gov/feewaiver).

Q17. Hafa na ebidensia na i amu para u nâi yan i Form I-129CW petition?

A17. I amu debi di ha nakabâles i dokumento gi todudu kontodu i tinstiguiyi siha put i inestablesin kualifikao. I amu debi di ha entrega i ebidensia an guaha, kosaki siña ha sapotte i patte gi i tinstiguyi. Put hemplo, kosaki siña un sapotte i tinstiguyi na tãya' kualifikao na fafacho'cho' U.S. ni' siña chumo'gue este na cho'cho', i amu siña manentrega ebidensia na infotmasion put i bakânte na cho'cho' esta manna'huyong gi i gaset pat gi websites put bakânte cho'cho' put hemplo ayu chine'guen ni' i CNMI Department of Labor pat "private recruitment" na bisnes.

Q18. Kao siña un âmu mama'petition para CW na fafacho'cho' siha yanggen i lisensian bisnes esta madiroga pat masuspende ni' i Gubetnamenton CNMI, pat ti marenebu para maseha otro na rason?

A18. Yanggen malago' un âmu mama'petition para CW na fafacho'cho' siha, debi di lihitimu i bisnes-ña giya i CNMI; este kumekeilekña na ha satisfefecho i propiu na ligât fuetsao para bumisbisnes giya i CNMI. Gi i chi-ña i nina'sina-ña, i amu debi di ha guahâyi ebidensia na ha kukumple todû ni' fuetsao para gailisensia. Yanggen un lisensia para bisnes pat cho'cho' masuspende, madiroga pat ti marenebu, i amu debi di ha entrega "disclosure" yan na'klâru todû i nisisario na fâkto siha ya na'tattiyi este ni' i petition-ña. USCIS para u konsidera este na infotmasion "case-by-case" put maseha i amu yan i fafacho'cho' sanhiyong mangkualifikao para i marikuekuetsa na CW na klasifikasion. Otro lokkue', yanggen i fafacho'cho' sanhiyong mannisita lisensian cho'cho', i amu debi di ha pribeni ebidensia put ayu na klasin lisensia.

Q19. Kao siña un âmu ni mabarred ni i Gubetnamenton CNMI para maneggagansa fafacho'cho' sanhiyong siha mama'petition para CW na fafacho'cho' siha?

A19. I mapegga-ña un âmu gi i listan i "barred employer" giya i CNMI ti ha deskualifika un âmu mama'petition para CW fafacho'cho' sanhiyong. Lao, i mapegga-ña gi este na lista debi di u manatungo' yan maeksplika este gi i petition, para i USCIS ha konsidera kao propriu este para i benefisu ni maespihiha.

Q20. Kao guaha katigurât cho'cho' ni ti mana'saonao gi i mangkualifikao para CW na estao?

A20. Ahe'.

Q21. Kualifikao para CW na estao depende kao ti kualifikao i fafacho'cho' para otro ti immigrante na katigurât put emplehu gi pappá' i INA. Kao este kumeikeilekña na i amu debi di manaplika para ayu otro na katigurât siha yan mañega antes di siña mama'petition CW na estao para un fafacho'cho'?

A21. Ahe'. I manâmu siha ti nisisario na ma fâ'nuri na esta manmanaplika (lao mañega) para maseha hafa otro na ti immigrante na klasifikasion para un fafacho'cho'. I manâmu siha debi di u ma testigu na i pussion cho'cho' petmanente yan ti "seasonal" (sa' guaha otro na klasifikasion (H-2B ti immigrante) para ayu na klasi), ya pine'lo-ñiñiha na ti kualifikao i fafacho'cho' para un otro na klasin ti immigrante na klasifikasion fafacho'cho'. I manâmu ni' manmanaplika (lao mañega) para otro na klasin ti immigrante na klasifikasion para un fafacho'cho', debi di ha nâi i ebidensia ni sumapotte ayu na tigestiguyi.

Q22. Taimanu na siña manapela anggen mañega i petition?

A22. I "administrative process" para manapela para Form I-129CW manaiguihi yan ayu otro na ti immigrante na klasifikasion siha. Para un apela i meñegan i CW-1 na petition, i mama'petition na âmu giya i CNMI, debi di ha na'hâlom un [Form I-290B, Notice of Appeal or Motion](#). Solu i mama'petition na âmu, ti i empleao siña umapela i meñega. Un inaplika para i matulaikan i estao pat un inekstenden estao ti siña maapela anggen meñega.

Q23. Kao siña un 'private' na individuât mama'petition para fafacho'cho' sanhiyong siha ni' para u cho'gue cho'cho' guma' para para u fanmosa pat fanmosu?

A23. Solu un inetnon ni' bumisbisnes komo madesnika ni' i transisionât na fafacho'cho' na areklamento, siña mama'petition para CW na fafacho'cho' siha. Un guma'saga' ha' sesso ti kualifikao para este.

Finaisen para Mamfafacho'cho' Siha

Q24. Hafa debi di ha cho'gue un fafacho'cho' giya i CNMI para u risibi i CW-1 na estao?

A24. Solu un âmu siña mama'petition para un fafacho'cho' ni' para u risibi CW-1 na estao. Un individuât debi di masponsor ni' un âmu yan debi di ha satisfecho ha nisisario para u kualifikao. Un individuât siña kuumalifikao para CW-1 ti immigrante na klasifikasion yanggen Guiya:

- Ti kualifikao para maseha otro na **ti immigrante na katigurât put emplehu gi pappá' i lai US put immigration**
- Para u hâlom pat sâga' giya i CNMI ya u facho'cho' gi un katigurât cho'cho' ni' masenñala na ha nisisita fafacho'cho' sanhiyong para u ayuda i esta guaguaha na manmacho'cho'cho' siha;
- I "beneficiary" un petition ni' mana'hâlom ni' un lihritimu na âmu ni' bumisbisnes giya i CNMI;
- Taigue giya todú Estâdos Unidos fuera di iya i CNMI.
- Ligât i gaige-ña giya i CNMI, komo gaige gui' giya i CNMI. yan
- Sino humâlom giya i Estâdos Unidos pat esta manâi ni' un nisisario na "waiver" para un "ground of inadmissibility."

Q25. Taimanu na siña un kualifikao na individuât mañule CW-1 pat CW-2 na visa an taigue gui giya i CNMI?

A25. Gigon na i mana'hålom i I-129CW giya i USCIS ni' i amu, maapreba, i kualifikao na individuât ni' manapliplika gi hiyong i CNMI, debi di ha taka' i U.S. Department of State para u fanaplika CW-1 pat CW-2 na visa dipende gi i maapreba na petition ginnen i amu. I CW-2 na klasifikasion para i mandipendenten-ñiha ha' i manggaiCW-1 na estao (asagau yan taiasagua na famagu'on hobenña kinu 18 años)

Q26. Un individuât gaiCW na visa, kao siña macho'cho' gui' maseha mânu na lugât giya i Estâdos Unidos?

A26. Ahe'. Un gaiCW-1 na visa na individuât debi di ha facho'cho' giya i CNMI ha' yan para i amu ha' ni' fumarinas i maapreba na petition. I amu debi di ha nafa'hålom un nuebu na I-129CW na petition an guaha materiât na tinilaika gi i kondision i maenggansa. Estao CW ti ha atoririsa individuât siha para u fanmacho'cho' gi maseha otro na estâdo pat territory gi Estâdos Unidos, kontodu iya Guahan ni' gof hihot gi fi'on-ña. Individuât ni' gaiCW-2 na estao ti siña macho'cho' giya i CNMI pat gi maseha otro na pätte pat territory giya i Estâdos Unidos.

Q27. Kao siña un gaiCW-1 na estao tumulaika i amu-ña siha?

A27. Hunggan, lao i nuebu na âmu debi di ha na'hålom un I-129CW na petition gi i USCIS. I fafacho'cho' siña ha tutuhun gi as i nuebu na âmu gigon na i nuebu na âmu ha na'hålom i petition . Este debi di un ti attamos na Form I-129CW petition para i matulaika i amu, kumekeilekña na guaha un magâhet na inefresi para nuebu na cho'cho' para i gaiCW-1 na estao, ya esta ha satisfefecho i kualifikasion siha. Yanggen mañega i petition, i inatorisa put cho'cho' mumapos.

Q28. Kuantos tiempo la-la'la' i estao CW?

A28. Manâi CW-1 na estao para un año. I amu siña manggagao inekstenden estao anggen ha na'hålom un nuebu na I-129CW na petition. I CW-2 na estao para un dependente mumapos achagigu (parehu na diha) yan i estao CW-1 i prisipât ya siña maekstende lokkue' i estao-ña an maekstende i CW-1 na estao i prinsipât.

Q29. Kao mumalingu i CW na estao yanggen un individuât gaiCW na estao matetmina gi i checho-ña?

A29. Hunggan, mumalingu i estao un fafacho'cho' sanhiyong ni' gaiCW na ti immigrante na estao anggen ha yamak maseha hafa na kondision ni' nisisario para i CW na estao. Annai i kontradiksion solu ginnen i matetminâ-ña ginnen i checho-ña, ti makonsidera na mumalingu i estao-ña anggen dentro di 30 na dihas desde ki matetmina, mañodda' gui' nuebu na emplehu yan i nuebu na âmu ha na'hålom un ti attamos na petition para Guiya; Lao taiguini solu Ifafacho'cho' sanhiyong ti ha yamak maseha hafa otro na kondision i CW na estao-ña.

Pues, anggen mañodda' nuebu na emplehu, i nuebu na âmu debi di ha na'hålom un petition para I fafacho'cho' sanhiyong antes di makpo' este na 30 na dihas na tiempo, kosaki i gaige-ña i fafacho'cho' sanhiyong sisiña ha' ligât giya i CNMI. Put i ineppe para Finaisen 27, I fafacho'cho' sanhiyong siña ha tutuhun gi as i nuebu na âmu despues di i amu ha na'hålom i petition. Yanggen ti mana'hålom i petition dentro di 30 days, i fafacho'cho' sanhiyong debi di ha dingui i CNMI, ya u makonsidera na mumapos i estao-ña annai matetmina gui' gi CW-1 na emplehu. Maseha hafa na petition ni' mana'hålom para ayu na fafacho'cho' despues di ayu na 30 na diha na tiempo para u nisisita un maapreba na petition yan un CW na visa ni' manâi gi un "consulate" gi hiyong i CNMI, antes di siña humålom tâtte i fafacho'cho' sanhiyong giya i CNMI ya tutuhun gi i nuebu na checho-ña.

Q30. Un fafacho'cho' sanhiyong yu' ni' sumasâga' yan macho'cho'cho' gi ligât giya i CNMI yan i amu-hu ilek-ña na siña ha sponsor yu' para i CW na visa. Hafa para bai hu cho'gue kosaki siña mañule' yu' CW na estao giya i CNMI?

A30. Este siha debi di un cho'gue gi este na situasion.

Fine'nina (1): **I amu-mu** debi di ha na'hâlom este na dokumento siha, kosaki siña ha sponsor hao:

- Un Form I-129CW;
- I apas inaplika, \$325;
- I nisisario âpas edukasion, \$150; yan
- **Ebidensia ni' klumârui na i infotmasion un nanâi put Hâgu, i amu, i che'cho' kao dinanche yan kao ha satisfecho i nisisidât para kualifikao.**

Hâgu pat i amu-mu debi di ha na'saonao i apas 'biometrics' \$85 gi i petition (ti guailâyi anggen manggagagao hao 'consular processing). Despues di i amu-mu ha na'hâlom i Form I-129CW, i USCIC para u taka' hao put ngai'an na para un nisisita umannok yan nâ'i siha ni' iyo-mu fingerprints yan litrâtu siha gi i USCIS Application Support Center gi i TSL Plaza giya Saipan.

Fine'nina (2): Yanggen maapreba iyo-mu Form I 129CW, i USCIS para u kattâyi i amu-mu put i maaprebâ-ña. Na'siguru na i amu-mu ha nâi hao ni' kopian i notisan inapreba. I notisian inapreba yan chumechetton Form I-94 para u naklârû na i estao-mu giya i CNMI esta ma tulaika asta CW-1. I notisian inapreba para u na'tungo hao lokkue' kao un nisisita humanao para un U.S.

Q31. Taimanu na siña manmanrisibi CW-status i mandependente-ku siha?

A.31. Siña gi patte i inaplikan i amu-mu para i CW-1 na estao-mu, i mandependete-mu siha ni' manggaige gi ligât giya i CNMI siña manmanaplika siha CW-2 na estao. I manmanaplika CW-2 na estao debi di u fanentrega:

- I apas inaplika, \$290;
- I \$85 na âpas setbisio siha 'biometrics' yanggen nisisario;
- Un kopia i notisian inapreba yan i Form I-94 ni' dumodokumenta i hinalom-mu gi i CNMI gi i klasifikasion CW-1 (yanggen guaguaha); yan
- Un Application to Change or Extend Status, Form I-539.

Mandependente siha siña ti nisisario na ma na'hâlom i Form I-539, dipende kao taimanu i prinsipât na CW-1 na estao na maproprocess.

Yanggen	Pues
Manggagagao hao 'consular processing' para i CW-1 na estao gi un U.S. na Consulate pat Embassy gi hiyong i CNMI.	I mandependente-mu siha siña manmanggagao 'consular processing' para i CW-2 na estaon-ñiha gi i parehu na tiempo. Mandependente siha ti ma nisisita muna'hâlom un Form I-539 kontat ki manmanaplika CW status gi hiyong i CNMI.
Esta gaige hao giya i CNMI yan i amu-mu ha na'hâlom i Form I-129CW ni' rumikuekuesta CW-1 na estao para Hâgu yan.	I mandependete-mu siha siña ma na'hâlom un Form I-539 gi i parehu na tiempo mientras makonsededera ha' i I-129CW. Ti guailayi un otro na âpas "biometrics" ha akompâña i I-539 anggen i dependente menos di 14 años pat âmko'ña kinu 79 na años. Lao, siempre ti u maapreba i Form I-539 i dependente-mu, yanggen i inaplikâ-mu put manâi estao mañega. Yanggen maapreba i I-539, i USCIS para u kattâyi i

	mandependente-mu siha ni' notisian inapreba komo ebidensia na maapreba i Form I-539 yan un I-94 komo ebidensia put i CW-2 na estao.
--	--

Q32. Hami yan i dependente-ku siha para bei in fanggaige gi ligât giya i CNMI asta ki Nov. 27, 2011. Guaha un âmu ni' ilek-ña na siña mama'petition gui' CW-1 na estao para Guahu. Kao debi di ha na'hâlom i petition antes di Nov. 27, 2011? Yanggen hunggan, kao i mandependente-ku siha, ma nisisita muna'hâlom i inaplikan-ñiha siha para CW-2 na estao antes di Nov. 27, 2011 lokkue?

A32. Yanggen manmalago' hamyo yan i dependente-mu siha u fangkualifikao para CW na estao, debi di en fanggaige gi ligât giya i CNMI gi i diha na mana'hâlom i inaplika para CW na estao. Para Hâgu (prinsipât na fafacho'cho'), ayu i fecha nai i amu-mu ha na'hâlom i I-129CW petition ni' gumagagao na un risibi CW-1 na estao. Para i mandependente-mu siha, ayu na fecha nai ma na'hâlom i I-539 na inaplika para u ma risibi CW-2 na estao. Yanggen Hâgu pat i dependente-mu gai'umbrella permits' pat un otro na inatorisan cho'cho' ni' para u funhâyan gi Nov. 27, 2011, este na inaplika debi di u mana'hâlom gi pat antes di Nov. 27, 2011, kosaki siña mangkualifikao hamyo para en risibi CW na estao giya i CNMI. USCIS para u konsedera un petition ni' mapostmarked Nov. 28, 2011, komo mana'hâlom gi Nov. 27, 2011 (madiskuti este komo ineppe para Finaisen 11). Inaplika para un dependente ti guailâyi na mana'hâlom antes di i principât na inaplika CW-1 manâi; lao, hassusuyi na maseha i CW-1 na inaplika maapreba pat ti maapreba, i inaplika para i dependente debi di mana'hâlom mientras gagaige i dependente gi ligât giya i CNMI. Osino, i dependente siña ha risibi i CW-2 na estao gi un inaplikan visa ginnen un U.S. na consulate gi hiyong i CNMI.

Q33. Mânu na dependente siha mangkualifikao para derivative CW-2 na estao?

A33. Asagua yan ti manggaiidat na famagu'on (famagu'on hobenña kinu 18 na años) mangkualifikao para derivative CW-2 na estao. Famagu'on mas ki 18 años yan saina pat otro na parientes ti mangkualifikao para CW-2 na estao.

Q34. Guahu un fafacho'cho' sanhiyong ni' sumasâga' gi hiyong i CNMI ya guaha âmu ilek-ña na para u sponsor yu'. Hafa hu nisisita chumo'gue para bai hu fanrisibi CW na visa?

A34. Gi este na situasion, este siha debi di un cho'gue:

Finenina (1): Para un risibi un CW na visa, i "sponsoring" na âmu debid di ha na'hâlom finenina este na dokumento siha:

- Un Form I-129CW;
- I apas inaplika, \$325;
- I nisisario âpas edukasion, \$150; yan
- **Ebidensia ni' klumâruyi na i infotmasion mana'nâi put Hâgu, i amu yan i checho' dinanche yan ha satisfecho i nisisidât para kualifikao.**

Finenina (2): Yanggen maapreba i petition, i USCIS para u kattâyi i amu-mu ni' notisian inapreba. I amu-mu para u nisisita muna'hanaogoe hao ni' i orihinât na notisian inapreba para i gima-mu gi hiyong i CNMI.

Despues di un risibi i notisian inapreba, para un nisisita mamatinas ti immigrante visa na interview gi i U.S. na consulate pat i mas hihot na Embassy giya Hâgu. I Mandependente-mu **siha siña manmanaplika achagigu CW-2 na visas gi i U.S. Department of State ya ti nisisario na ma na'hâlom i Form I-**

129Cw pat Form I-539. I Department of State guaha iyo-ña nisisario na areklamento siha put inaplika yan ápas para manapliplika visa guihi.

Hamyo yan i mandependente-mu siha tâya CW-1 pat CW-2 na estao giya Hamyo esta ki manmanrisibi CW na visa ginnen i U.S. Department of State yan manhâlom hamyo giya i CNMI. I maaprebâ-ña i Form I-129CW para 'consular processing' ha aprepreba i klasifikasion ha' ya ti ha nanâ'i hao mas otro na estao giya i CNMI.

Q35. Yanggen hu fa'cho'chui un âmu ni' spumonser yu' para CW-1 na estao giya i CNMI yan iyo-ku 'umbrella permit' para u funhâyan gi Nov. 27, 2011, kao siña hu konsigi macho'cho'cho' esta ki guaha diniside put i petition-hu?

A35. Hunggan. Yanggen macho'cho'cho' hao ligât giya i CNMI gi pappâ' un CNMI na inatorisan cho'cho' ni' para u funhâyan gi Nov. 27, 2011 yan i amu-mu ha nahâlom un CW na petition para Hâgu gi pat antes di Nov. 27, 2011, matorisa hao kontinuha macho'cho'cho' esta ki mandisidi i USCIS put i petition.

Q36. Hafa i facho'cho' dedi di ha entrega gi i Department of State para un CW ti immigrante na visa?

A36. I Department of State ha afuetsas todû manmanaplika siha para un ti immigrante na visa na ma nakabâles un Form DS-160 Application for Nonimmigrant Visa yan ma nâsaonao i fuetsao na ápas. I Department of State ha susu'on familia siha na para u fañiha muna'hâlom inaplika achokka' ti para u fañiha humano.

Q37. Taimanu na siña mamâ'tinas yu' appointment para i visa interview?

A37. Kada na U.S. na Consulate la'mon put taimanu na mafâ'tinas appointments put visa siha. Dipende gi manu na consulate, siña un âgang siha pat mamâ'tinas appointment gi online. Todû i apas debi di maapâsi antes di mamâ'tinas hao appointment.

Gaige gi i website-ña i Department of State, www.usembassy.gov mas infotmasion put ti immigrante na visa na interviews. Gaige guihi lokkue' infotmasion put kuantos sesso tiempo para un nanangga para un ti immigrante na visa na interview gi kada U.S. Consulate gi otro na nasion. Para un nisisita chumule' para i appointment-mu i notisian inapreba put i petition yan i Form DS-160.

Q38. Ya hafa yanggen hu fa'cho'chui mas ki unu na âmu?

A38. Yanggen un fa'cho'chui mas ki unu na âmu, kada na âmu debi di ha nahâlom un siparao na Form I-129CW gi as USCIS.

Q39. Kao siña un 'beneficiary' gaiCW-2 na estao macho'cho'?

A39. Ahe'. CW-2 na estao ti ha atorisa emplehu.

Q40. Guahu yan i asagua-hu macho'cho'cho'. Yanggen i asagua-hu ti siña macho'cho' komo CW-2 na ti immigrante, taimanu ha konsigi macho'cho'cho' yanggen manrisibi yu' CW-1 na estao?

A40. I amun-miyu siña ma petition para hamyo na dos rumisibi CW-1 na estao.

Q41. Kao siña i gaiCW visa na individuât manaplika para otro na klasifikasion visa?

A41. Hunggan. Gi duranten i siklon transision, CW na facho'cho' transisionât yan i mandependenten-ñiha siña manmanaplika para otro na INA ti immigrante pat immigrante na klasifikasion visa.

Q42. Kao guailâyi manaplika CW na visa yanggen esta gaiCNMI permit i ti petmanente na facho'cho'?

A42. Hunggan. Yanggen i amu malago' ha kontinuha umenggansa i fafacho'cho' despues di na hokkok i pinetmiti cho'cho' giya i CNMI, debi di manaplika gui' ta'lo CW visa osino espiha un otro na inatorisan na estao macho'cho'cho' gi pappa i lai migrasion federat. I mamfacho'cho' siha siña sumaga' giya i CNMI esta ki manhokkok i permits-ñiha pat Nov. 27, 2011, maseha manu fine'nina. Solu i amu siña mandisidi mama'petition para un fafacho'cho' put i CW na klasifikasion pat estao.

Yanggen i fafacho'cho' guaha un ti hokkok trabiha na "umbrella permit" ya ha nisisita humanao gi hiyong i CNMI, ti siña ha bira gui' tatte sin visan U.S. Yanggen i amu malago' gui' umespihayi un empleao ni' gaiumbrella permit, ni' nina'in estao CW giya i CNMI, debi di ha nahalom i petition gi pat antes di Nov. 28, 2011. Osino, i fafacho'cho' para u nisista dumingo i CNMI ya chule' i CW na visa gi un U.S. na Consulate pat Embassy gi hiyong i CNMI, antes di siña humalom gui' tatte giya CNMI komo CW na estao.

Q43. Hafa para u fanmasusedi i CW-1 transitional na fafacho'cho' yan i dependente siha an makpo' i skilon transision?

A43. Gi i finkapo' i siklon transision, Dec. 31, 2011, i CW na klasifikasion para fapos (osino i prugramma fafacho'cho' transisionat para u maekstende ni' i U.S. Secretary of Labor). I mantransisional na fafacho'cho' siha ni' estaba guaha iyon-ñiha CW na estao debi di un fanrisibi ti immigrante pat immigrante na esta gi pappa' i INA antes di este na fecha an manmalago' siha kontinuha sumasaga' giya i CNMI gi ligat.

Finaisen Siha Put Hinanao

Q44. Komo un gaiCW-1 pat CW-2 na taotao, hafa hu nisisita chumo'gue an malago' yu' humanao para otro lugat?

A44. Un gaiCW na estao na taotao debi di ha fañule' CW-1 pat CW-2 na visa ginnen i U.S. Department of State gi hiyong i CNMI an malago' gui' humanao gi hiyong i CNMI yan bumira tatte. I Department of State guaha iyo-ña nisisario na areklamento siha put inaplika yan apas para manapliplika visa guihi. Para mas infotmasion put humahanao gi hiyong i CNMI, put fabot bisita i [Department of State](#) na webste.

Q45. I mamfacho'cho' siha ni' gaiadvance parole kao siña manhanao siha gi hiyong i CNMI ya fanmacho'cho' gi pappa' un "umbrella permit" annai ma bira siha tatte para i CNMI?

A45. Hunggan. Mamfacho'cho' siha ni' guaha iyon-ñiha la'la'la' na umbrella permit yan dokumento hinanao sisiña manhanao yan mambira tatte yan fanmacho'cho' giya i CNMI kontat ki manmanaplika yan manmanrisibi advance parole.

USCIS ha usa "advanced parole" yan "parole in place" komo ti petmanente na manera siha sa' taya' na visa na klasifikasion gi pappa' i INA ha sesedi i manlihitimu na fafacho'cho' siha para u kontinuha humanao yan bumira tatte para i CNMI despues di mampasesehu siha gi otro nasion pat gi halom i Estados Unidos sin visa. **Este na "advanced parole" ti mismo para i esta gaiCW na estao giya i CNMI, sa' ayu siña manmañule' visa gi hiyong i CNMI annai ma bibira siha tatte.**

Q46. Kao siña i gaiCW na estao ni' humanao para otro nasion humalom tatte para i CNMI?

A46. Un CW-1 pat CW-2 na ti immigrante siña ha dingu i CNMI, lao debi di ha chuchule' i propiu na visa an malago' gui' humalom tatte para i CNMI. I CW na fafacho'cho' debi di manaplika gui' CW na visa gi un U.S. Embassy pat Consulate gi hiyong i CNMI antes di siña humalom gui' tatte para i CNMI. Yanggen i CW-1 pat CW-2 na estao marisibi mientras gagaige gi halom i CNMI, i ti immigrante para u fanrisibi Form I-94, Arrival-Departure Record komo un dokumenton i CW na estao-ña.

Q47. Kao la'la'la' este na estao CW gi maseha otro na lugat giya i Estados Unidos fuera di i CNMI?

A.47. Ahe, CW na estao para i CNMI ha. Siha ni' gaiCW na estao ni' manhanao pat mangkehanao para otro lugât giya i Estodao Unidos kontodu Guahan, sin inatorisa, ma yayamak esta i CW na estaon-ñiha ya siña manmadipotta ginnen i Estâdos Unidos para i mismo na nasion-ñiha. Lao i uttimo na areklamento ha pribeni un impottante na "exception:" put fabot, atan Finasen 48 para mas klinaruyi.

Q48. Kao siña i manggaiCW na ti immigrante na estao pat gaiCW na visa humâlomñaihon gi i fambatkoniaireyan Guahan?

A48. Siha ni' mannasionat Filipinas siña humâlomñaihon gi i fambatkoniaireyan gi i hinanaon-ñiha desde i CNMI asta i Filipina solu gi pappâ este na kondision siha:

- Ginnen i CNMI asta i Filipinas ya humâlomñaihon giya Guahan: La'la'la' ha' i CW na estao anggen i individuât humahanao gi "direct itinerary" ya humalonñaihon gui' giya Guahan para menos di 8 oras yan ti ha dingi i fambatkoniaireyan Guahan gi i sinigo-ña.
- Ginnen i Filipinas asta i CNMI ya humâlomñaihon giya Guahan: La'la'la' ha' i CW na estao anggen i individuât humahanao gi "direct itinerary" ya humalonñaihon gui' giya Guahan para menos di 8 oras yan ti ha dingi i fambatkoniaireyan Guahan gi i sinigo-ña.

Otro na individuât siha ni' gaiCW na estao pat CW na visa siha ti siña manhanao para otro nasion ya humaloñaihon giya Guahan gi kinaguatu-ña pat kinamagi-ña.